

玉機辨症

四



欬逆

辨欬逆經云歲金太過欬逆金鬱之發欬逆少陰之
氣欬逆用誡曰內經所言欬逆者止此他書唯傷
寒論欬逆脈散者死又金匱治欬逆上氣諸方而已
似皆指肺金及火為病也活人書謂欬逆證為極惡
仲景所不載孫真人云徧尋方論無此名遂斷欬逆
為噦證難知云欬逆證活人斷為噦逆其說似是
而非蓋噦者乾嘔也若有物直出則為吐也嘔物旋
出則為嘔也嘔無物出則為噦也欬逆者或水漬於
肺而心痞或連續不已而氣逆或喜笑過多而氣噎

噦

或噤飲錯喉而氣搶或急食乾物而氣塞皆能作欬
逆之聲連續不絕俗謂之吃忒是也大抵欬逆者不
順之義吃忒者差錯之義二者皆氣不得下為火熱
托之而使上至咽喉中噎而止也人或以紙摠鼻嚏
而止或詐冤盜賊因恐而止或鼻熱聞食香調氣而
止皆抑之駭之而使氣下也千金以欬逆上氣為病
肺脹散者死是心火刑於肺金也是以李氏稱易老
云欬逆者大熱奔急上行而肺金不內何其當哉故
便秘者大承氣湯下之便軟者瀉心湯主之朱氏斷
為胃寒并陽證二法用藥治噦雖勝大抵其噦之意

止是氣逆上行似欬逆耳即非仲景所謂欬逆之本
証也蓋噦者出聲也噦出其氣噦聲盡然後吸欬逆
者入聲也抑氣不出逆聲盡然後呼也出入呼吸其
大不同兼嘔噦者本於胃欬逆者本於肺何其難辨
哉 又云活人以欬逆為噦謂若可下之宜調胃承
氣湯是邪氣在胃故斷之為噦是則然矣抑不思欬
逆者是足陽明失下傳手太陰活人但言其火之本
不言其火之標灸上至極高之分而欬逆也合而觀
之噦與欬逆同一熱也分而言之噦為本為膽為胃
為中欬逆為標為心為肺為上若標病應見止當治

標不必名噦若言作噦使後人只見膽胃本而不見心肺標也此一說又足經甲戌而傳乎經丁辛也

用誠曰海藏論欬逆與噦二者不同謂其聲有出入之異藏府有肺胃標本之殊其說尤長但欬逆與噦其氣皆自下而上嘔噦則直出于口欬逆則至咽膈吃忒而中止然後出也實非有出入之異又曰活人以欬逆為噦故今從而以仲景言噦者入欬逆門縱使仲景言噦非此証而活人論證用藥則是咳逆而非嘔噦也

平欬逆虛証有溫補活人云咳逆者仲景所謂噦是也

者

胃寒所生傷寒本虛攻其熱必噦又云傷寒大吐下
之極虛後極汗出者因得噦所以然者胃中寒冷故
也橘皮乾薑湯羗治附子散半夏生薑湯退陰散主
之不差者灸乳下必愈 畧例云陰証者內已伏陰
陰氣太甚腎水擅權肝氣不生胃火已病丁火又消
所有遊行相火寒邪迫而萃集於胸中亦欲盡也故
令人發熱火渴引飲并去蓋覆病人獨覺熱也他人
按之身體肌肉骨髓血脉皆寒此火即無根之火也
故用丁香乾薑之類熱藥溫胃其火自下款逆乃止
用誠曰陰證款逆蓋以陰氣先消陽火亦竭浮於胸

中亦欲散也故不宜用寒而反以溫藥養胃留其陽
氣胃氣一和陽生則陰長之說也而此畧例以陰証
為陰氣太甚腎水擅權寒邪迫火而上愚謂腎陰若
盛則火自不妄動矣其所謂寒邪者未審其指受外
寒耶內寒耶還只是虛耶姑俟明哲 又曰大抵欬
逆者多由汗下後胃虛而作活人以虛作寒治故用
諸溫熱之藥 三因云欬逆之病古人以為噦耳多
因吐利之後胃中虛寒遂成此疾亦有胃中虛隔上
熱噦至八九聲相連收氣不回者 丹溪治趙立道
年近五十質弱而多怒七月炎暑大飢索飯其家不能

急具因大怒兩日後得滯下病口渴自以冷水調生
蜜飲之甚快滯下亦漸緩和如此者五七日召予視
脈稍大不數遂令止蜜水渴時且令以人參白朮煎
湯調益元散與之滯下亦漸收七八日後覺倦甚發
吃予知其因下久而陰虛也令其守前藥然滯下尚
未止又以煉蜜飲之如此者三日吃尤未止衆皆尤
藥之未當將以薑附飲之予曰補藥無速效附子非
補陰者服之必死衆曰冷水飲多得無寒乎予曰矣
暑如此陰涼非寒勿多疑待以日數力到當自止又
四日而吃止滯下亦安又陳澤仁年近七十厚味之

人也有久喘病而作止不常新秋患滯下食大減至
五七日後吃作召予視脈皆大豁衆以為難予曰形
瘦者尚可為以人參白朮湯下大補丸以補血至七
日而安此二人者虛之為也

效或逆實或下或清丹溪治一女子年踰笄性躁味厚暑月

因大怒而吃作每作則舉身跳動神昏不知問之乃
知暴病視其形氣俱實遂以人參蘆湯飲一碗大吐
頑痰數碗大汗昏睡一日而安人參入手太陰補陽
中之陰者也蘆則反耳大瀉手太陰之陽女子暴怒
氣上肝主怒肺主氣經曰怒則氣逆氣因怒逆肝脈

乘火侮肺故吃大作而神昏參蘆善吐痰蓋氣降而
火衰金氣復位胃氣得和而解矣 畧例云陽証欬
逆者胃熱失下也陰氣先絕陽氣後亦將竭火獨炎
上逆出陰氣而為欬逆少陰渴逆者失下也陰消將
盡陽逆上行使陰不內也為之惡候或兼以舌弊語
言不正而反昏冒與咽痛者少陰也速下之宜大承
氣湯若陽極脈微將盡者不宜下宜瀉心湯養陰退
陽而已涼膈芒硝清肺亦可 又云以涼膈瀉心湯
以治陽證自上而下瀉退心火陰氣乃生

活人書云陽證欬逆者有潮熱時時噦小柴胡湯橘

皮竹茹湯又云傷寒噦而腹滿視其前後何部不利之愈 用誠曰欬逆本由陰氣已虛陽火暴甚直衝而上出于胃入於肺而作聲東垣用涼藥者所以瀉熱降火也略例以陽證為失下用承氣瀉心二藥分便秘便軟用之

又曰傷寒失下地道不通因而欬逆當以寒下之如痰飲停蓄心下或暴怒氣逆痰厥此等必形氣俱實別無惡候皆當隨其邪之所在而涌之泄之清之利之也

欬逆
總論 丹溪云吃病者氣逆也氣自臍下直衝上出于

口而作聲之名也書曰火矣上內經曰諸逆衝上皆
屬於火古方悉以胃弱言之而不及火且以丁香柿
蒂竹茹陳皮等劑治之未審孰為降火孰為補虛人
之陰氣依胃為養胃土傷損則木氣侮之矣此土敗
木賊也陰為火所乘不得內守木挾相火乘之故直
衝清道而上言胃弱者陰弱也虛之甚也病人見此
似為危證然亦有實者不可不知 用誠曰按欬逆
一證古方悉作胃寒所致俱用丁香柿蒂薑附等藥
然此證有虛有實有火不可專作寒論蓋傷寒發汗
吐下之後與滯下日久及婦人產後而有此者皆陰

證

大虛之為也若平人食入大速而氣噎或飲水喜笑
錯喉而氣搶或因痰水停膈心下或因暴怒氣逆痰
厥或傷寒熱病失下而有此者則皆屬實也夫水性
潤下火氣炎上今其氣自下衝上而作聲非火而何
欲通證有輕重 三因云大抵傷寒久病後老人虛人及婦人
產後多有此症者皆病深之候也亦有噦而心下痞
悸者是痰水所為別無惡候者也

治熱之劑 活人橘皮竹茹湯治噦逆嚴氏治吐利後胃虛
隔熱而欲逆

橘皮升

竹茹升

甘草

一兩

人參

錢五

棗子

三十箇

生薑

錢五

水一斗煮服取三升去滓

溫服一升日二服

用誠曰按此出太陰嘔噦例藥

也薑棗參橘亦是溫藥故三因云此治胃中虛冷但以此藥比之薑桂丁香則性平故從嚴氏入治熱之劑又曰欬逆有虛而有熱者有實而有熱者所引橘皮竹茹湯未能詳盡也

小柴胡湯治陽證欬逆方觀

難知大承氣湯治欬大便秘者瀉心湯治欬逆大

便軟利者方見心下痞門治寒之劑半夏生薑湯治噦欲死

半夏

洗一錢一兩

生薑

切二兩

水煎分服

橘皮乾薑湯治噦

橘皮

通草

乾薑

桂心

甘草

炙各二兩

人參

兩

每服

四錢

水煎

溫服

日三次

用誠曰按以上二方並太陰嘔噦例藥也

三因丁香散治欬逆

丁香

柿蒂

錢一

甘草

炙

良薑

各五分

為末熱湯點二錢乘熱服不拘時

嚴氏柿蒂湯治胸滿欬逆不止

柿蒂

丁香

各一兩

每四錢

薑五片

煎

家珍

有人

參一味寶鑑有青皮陳皮二味並各等分為末水煎

服

用誠曰按以上二方並太陰陽明經藥也 又曰世醫凡遇此疾首以丁香柿蒂為言殊不知此藥不能補虛不能降火不能清氣利惟有溫暖助火而已豈宜總治斯疾

活人羌活附子散治欬送嚴氏治吐利後胃寒欬逆

羌活 附子 炮

茴香 微炒各五錢

木香 乾薑 各一

棗許大 細末每服一錢水一盞鹽一捻同煎熱服

三因方木香作丁香 用誠曰按此太陽少陰太陰

經藥也

本事方治陰毒欬逆

川烏頭 乾薑 炮 附子 炮 肉桂 芍藥

甘草 炙 半夏 吳茱萸 陳皮 大黃

等分為細末每服一錢薑五片煎去濁渣取清熱服
用誠曰此按三陰經藥也

補虛之藥寶鑑灸甘草湯治許伯威中氣本弱偶病傷寒

八九月醫見其熱其以涼藥下之又食梨三枚痛傷
脾胃四肢冷時發昏憤其脈動而中止有時自還乃
結脈也心亦悸動吃逆不絕色變青黃精神減少目
不欲開蹠臥惡人語以此藥治之